

# Le mémouère de papa gran

*L'auteur de cette belle poésie en patois de Valgrisenche souhaite garder l'anonymat, vu que ses contenus sont très personnels. Nous respectons volontiers sa volonté. Mais, je crois, que ceux qui le connaissent le reconnaîtront bien facilement : ceux qui peuvent exprimer de telles considérations ne sont pas nombreux... (A. B.)*

Quand lo cœur l'et conten, ou caro de te dzor  
L'et dzen remomorié le bague dou passà  
Pensé i dzé cognu, i paren que son mor  
A tcheut le bon conseil que le viou t'an baillà.  
A vero d'illujon l'an nouré ta jeunesse  
A ton ardeur pe fere trionfé l'idéal  
Soven le resultà l'an trai le promesse  
Et cen que t'esperave l'at fini pitou mal  
De satisfachon réelle t'at bailla la fameille  
Quand un moue de meinà l'at garni ta meison  
Lo ciel t'a fa cadò de garçon et de feille



Valgrisenche, 1954.

(Fonds Bérard - Archives BREL)

Gramaci ou Bon Dzeu pe se grace et se don  
Pensé a ton épousa, ta douça compagna  
Que lo ciel t' a baillà pe sereiné te dzor  
P'etre avoué lo Bon Dzeu, un matin l'et partia  
Lo souveni de llie t'accompagne todzor.  
T'a défoillà ta via avoué bien d'emochon  
Revu te dzor seren et te momen amer  
Cen que t'a poussu fére. te realisachon.  
Conten se te pou dére d'avei fa ton devouer.  
T'a escri ton Pay, se dzé, son istouere.  
Umblamen t'a voulu travaillé d'un lo bu  
De ci glorieu viou ten conservé la memouere,  
Et lo souveni dou passà alleye pa perdu.  
T'a couru nouse bèque, se lliaché, se moreine  
Veusetà se vallon et se lliouà le pi dzen  
Ta passà su per lé de dzorné bien sereine  
Te tornave a meison avoué lo cœur conten  
Ara l'et fran cheur, pe te dzor l'et l'aouton.  
Me te vei l'avenir avoué bien d'esperance,  
T'a professà ta foé, vequ ta relejon  
Va pe ton tsemin, lo cœur plen de confiance.

**Vagreusentse, 30/10/03**